



VENDIMI ËSHTË I PLOTFUQISHËM
ODLUKA JE PRAVNOSNAŽNA
GJYKATA THEMELORE / OSNOVNI SUD
FERIZAJ I UROŠEVAC

Më
Dana 23 - 09 - 2018

P.nr.2595/2017

[Signature]

GJYKATA THEMELORE NË FERIZAJ-DEPARTAMENTI I PËRGJITHSHËM-DIVIZIONI PENAL, me gjyqtarin Elmaz Zenuni dhe zyrtarin ligjor Gazmend Bytyqi, në çështjen penale kundër të akuzuarit [REDACTED] nga Ferizaji, Rruga [REDACTED] pa nr., i akuzuar me aktakuzën e Prokurorisë Themelore në Ferizaj PP/II.nr.1482-6/17 të dt. 18.10.2017, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënien e urdhërit ndëshkimor, pa e mbajtur shqyrtimin gjyqësor, më dt. 24.07.2018 merr:

AKT GJYKIM

APROVOHET kërkesa e Prokurorisë Themelore në Ferizaj PP/II.nr.1482-6/17 të dt. 18.10.2017, dhe gjykata jep këtë:

URDHËR NDËSHKIMOR

I akuzuari: [REDACTED] nga Ferizaji, Rruga [REDACTED] pa nr., i lindur me datë, [REDACTED] në fshatin [REDACTED] Komuna e Prizrenit, nga i ati [REDACTED] shqiptar, i gjendjes së mesme ekonomike, me profesion shofer, shtetas i Republikës së Kosovës, mbrohet në liri.

ËSHTË FAJTOR

Sepse me datë 28.07.2017 rreth orës 06:10, në rrugën publike "Rexhep Bislimi" në Ferizaj, duke drejtuar automjetin transportues të markës "Seat Inca" ngjyrë e bardhë me targa të regjistrimit [REDACTED], duke vepruar në kundërshtim me dispozitat e nenit 120 par.1 të LRRTRR-së, ka rrezikuar trafikun publik, jetën e njerëzve dhe pasurinë e tyre, në atë mënyrë që nuk ka mbajtur distancën e nevojshme ndërmejet automjetit të tij dhe automjeteve në lëvizje para tij, ashtu që me pjesën e përparme e godet në pjesën e pasme automjetin e markës "Mercedes E 220" ngjyrë e zezë, me targa të regjistrimit [REDACTED], të cilin e drejtonte [REDACTED], me ç'rast nga kjo goditje pos dëmeve materiale në automjete lëndime të lehta trupore me pasoja të përkohëshme për shëndetin, pësonndrejtuesi i njësisë dy [REDACTED] të përshkruara në Ekspertizën mjeko liigjore të dt.23.09.2017,-

- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së,

Andaj, gjykata në bazë të neneve: 4, 7, 17, 41, 43, 46 dhe 73 të KPRK-së dhe neneve 365 e 495 të KPPRK-së i shqipton:

DËNIM ME GJOBË

Të akuzuarit [REDAKTUAR] i shqiptoi dënimin në shumën prej 200 € (dyqind euro), të cilën shumë i akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimi.

Nëse dënimi me gjobë nuk mund të ekzekutohet në format tjera sipas nenit 46 par.3 të KPRK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarin [REDAKTUAR] nga Fshati [REDAKTUAR] Komuna Ferizaj, për realizimin e kërkesës pasuroro-juridike udhëzohet në kontest civil.

Obligohet i akuzuari që në emër të shpenzimeve procedurale 60.88 € dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përmbarrimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.

A r s y e t i m

Prokuroria Themelore në Ferizaj me aktakuzën PP/IL.nr.1482-6/17 të dt. 18.10.2017, ka akuzuar [REDAKTUAR] nga Ferizaji, Rruga [REDAKTUAR]” pa nr., për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhrit ndëshkimor kuadër të akuzuarit me arsyen se ka prova të besueshme që vërtetojnë kryerjen e kësaj vepre penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhrit ndëshkimor, në vështrim të nenit 495 parag.1, 2 dhe 3 të KPPRK-së, gjeti se janë plotësuar kushtet ligjore për aprovimin e kërkesës për dhënien e urdhrit ndëshkimor.

Nga provat materiale të bashkëngjitura në shkresat e lëndës gjegjësisht konstatimin e Ekspertit mjeko ligjor i dt.23.09.2017, mendimi i Ekspertit të komunikacionit i datës 09.09.2017, raporti mjekësor nga Qendra Emergjente – Spitali Ferizaj me nr.007152 e dt.28.07.2017, si dhe fotografitë të cilat gjenden në shkresat e lëndës, gjykata ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata, konform nenit 463 par.1 lidhur me par 3 të KPPRK-së të dëmtuarin: [REDAKTUAR] nga Fshati [REDAKTUAR] Komuna Ferizaj, për realizimin e kërkesës pasuroro-juridike udhëzohet në kontest civil.

Konform nenit 450 par.2.6 të KPPRK-së obligohet i akuzuari që në emër të shpenzimeve gjyqësore të paguaj shumën prej 60.88 €uro, si dhe paushallin gjyqësor në shumën prej 20 €, të gjitha këto në afat prej 15 ditëve nga dita e plotfuqishmërisë së këtij aktgjykimi.

Njashtu, Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.


Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ

P.nr.2595/2017, dt. 24.07.2018

**Zyrtari Ligjor
Gazmend Bytyqi**

**Gjyqtari,
Elmaz Zenuni**



UDHËZIM JURIDIK:

Kudër këtij aktgjykimi lejohet kundërshtimi në afat prej 8 ditësh, nga dita e pranimin të dërgesës së njëjtit, gjyqtarit të vetëm gjykues të kësaj gjykate, përmes kësaj gjykate.

Pas skadimit të afatit të lejuar për kundërshtim, urdhëri ndëshkimor bëhet i plotfuqishëm dhe ekzekutohet dënimi i shqiptuar.